

Viongozi, watendaji waangamiza vijiji kisa? Hongo za mifugo, fedha

Na Mary Geoffrey, MOROGORO

KUPOKEA rushwa na zawadi kutoka kwa wafugaji ili kuwaachia wafanye wanavyopenda kwenye mashamba na makazi ya wakulima mkoani Morogoro, kumeigusa CCM na sasa Katibu Mkuu Daniel Chongolo, anaahidi kupambana na wahujumu uchumi hao.

Awali Mkuu wa Mkoa wa Morogoro, Fatma Mwasa, anasema kuwapo kwa mifugo mingi kumesababisha uharibifu wa vyanzo vya maji, mapigano na mauaji, migogoro ya ardhi, watu kadhaa kupoteza maisha na kuleta athari za mabadiliko ya tabianchi yanayosababisha kupungua mvua.

Anawaonya watendaji na viongozi wa vijiji wasio waadilifu, kuwa wanapokea rushwa na kuruhusu mifugo kuingia katika vijiji na makazi ya watu kinyume cha taratibu, vitendo hivyo sasa vifike mwisho.

Chongolo anayasema hayo akizungumza kwa nyakati tofauti wilayani Gairo na Mvomero mkoani Morogoro katika mwendelezo wa ziara ya siku tisa ya kukagua utekelezaji wa ilani ya uchaguzi, miradi ya maendeleo, uhai wa chama, kusikiliza na kutatua kero za wananchi.

Akiwa ameambatana na Katibu wa NEC, Itikati na Uenezi, Sophia Mjema na Katibu wa NEC na Oganizesheni Issa Haji Ussi, anasema Morogoro ina mifugo milioni 1.7 lakini utafiti unaonyesha ongezeko la mifugo zaidi ya 3,000.

"Hawa ng'ombe siyo ndege useme wameruka kutoka mkoa mmoja kufika mwingine, kote wanakopita hakuna watendaji, wenyevitwa vijiji wanaruhusuje makundi makubwa ya ng'ombe kupita ilihali wanajua yanafanya uharibifu?" Anahoji.

Anawauliza inakuwaje makundi ya ng'ombe yatoke Tabora, Kiteto mpaka Morogoro bila kiongozi kufahamu yamefikaje? Tatizo hili linalielewa na 'noti', rushwa, anasema Chongolo na kuelekeza kukamatwa na hatua kali za kisheria zichukuliwe kumesha hali hiyo.

"Hatua hazichukuliwi ndiyo sababu makundi ya ng'ombe yanaendelea kuranda kwenye makazi kutafuta malisho, kuharibu vyanzo vya maji na mazingira. Viongozi na watendaji wa vijiji wanapewa rushwa kuangamiza kijiji, kuhujumu uchumi bila kujali matatizo wanayopata wananchi," anasema Chongolo.

Anasema pia viongozi wa vijiji wanaachiwa zawadi ya ng'ombe mmoja au wawili mifugo, inavyopita katika maeneo yao ili kuwafunga midomo bila kujali athari kubwa wanazolisababisha taifa na kuongeza kuwa viongozi wa vijiji na watendaji, wana tamaa za mali na hiyo sababu ya kuumiza wananchi.

"Mwenyekiti wa kijiji ana ng'ombe wengi, unajiuliza amewatoa wapi, kumbe wanatoka kwa wanaopitisha mifugo, kukiangamiza kijiji, siyo sawa lazima tuseme ukweli na kukemea hili," anasema Katibu Mkuu.

Anaeleza zaidi kuwa, misha-hara ya watendaji wa vijiji haiendani na mali wanazomiliki hali inayodhihirisha namna wanavyojlongeza kwenye maslahi binafsi na kuwataka viongozi kueleza ukweli kuhusu sababu zinazochangia mifugo kuhama na migogoro ya ardhi badala ya kufumba macho.

Chongola, anawataka viongozi kuwaelimisha wafugaji kuwa mifugo mingi siyo ufahari, wabadilike na kwamba athari za kumiliki wanyama wengi ni kubwa akiwataka waiuze na kujenga nyumba za kisasa na kusomesha



Katibu Mkuu wa CCM, Daniel Chongolo, akiwa katika moja ya mikutano mkoani Morogoro. **PICHA: MARY GEOFFREY**

watoto.

KUKWAMISHA MIRADI

Chongolo anawaonya viongozi na watendaji wa serikali kuwa wanafanya kazi kwa mazoea na kusababisha miradi ya maendeleo kukwama na wananchi kukosa huduma, fedha za serikali kupotea na kuichonganisha serikali na wananchi na kuwapa onyo wanachezea moto.

"Tunataka watendaji wanaosimamia ubora wa kazi na miradi ya maendeleo, thamani ya fedha

ionekane. Msicheze na fedha za umma kwa sababu mnacheza na moto," anasisitiza Chongolo.

MAELEKEZO MADARAJA

Chongolo anatembelea daraja lililoharibiwa na mvua la Nguyami, anaahidi kuhimiza bajeti za ujenzi wa daraja hilo kutengwa pamoja na ujenzi wa madaraja mengine mawili ya Chakwale na Matala.

Anasema madaraja hayo yanayounganisha vijiji na kufungua barabara ya kutoka Gairo kuele-

kea Kilindi mkoani Tanga, yanapaswa kujengwa haraka iwezekanavyo na kwamba

amezungumza na Waziri wa Ujenzi na Uchukuzi, Prof. Makame Mbarawa, anayemhakikishia kuwa wanasubiri bajeti kwa ajili ya utekelezaji.

Akiwasilisha kilio cha wananchi wa vijiji vinavyonufaika na madaraja hayo yaliyoanguka na mvua, mbunge wa Gairo, Ahmed Shabiby, anasema kutokuwapo kwa miundombunu hiyo, kunababisha adha ya usafiri na kukatika kwa mawasiliano.

Anasema serikali imeshatoa Shilingi milioni 100 kwa ajili ya usanifu wa ujenzi wa madaraja hayo na kinachosubiriwa ni bajeti kwa ajili ya utekelezaji.

UMEME NI SHIDA

Jambo lingine analokutana nalo Katibu Mkuu ni mkandarasi anayesambaza umeme katika vijiji vya wilaya sita za mkoani Morogoro kushindwa kufanya kazi kwa weledi. Kampuni ya HNXJDL JV ya China, ndiyo inayodaiwa kushindwa kutimiza wajibu ikidaiwa kusuasua kukamilisha miradi hiyo kwa wananchi na kumtaka ajipange upya vinginevyo sheria itumike kukatisha mkataba wake.

Wananchi wanamweleza kuwa changamoto kubwa ni makandarasi wanaosambaza umeme vijijini kusuasua kutekeleza kazi hizo kwa wakati na wengine kufanyakazi kiholela mfano kuacha nguzo bila kusambaza nyaya kwa muda mrefu.

Akizungumia hilo, Chongolo anasema kero hiyo iko maeneo mbalimbali nchini na haiwezi kuvumilika tena, hivyo kutaka mamlaka Wizara ya Nishati kuvunja mikataba ya makandarasi kama hao na kuwapa kazi wengine wanaowajibika.

INAENDELEA UK. 12

Watu wanne wakamatwa wakiingiza mayai njia za panya

Na Nebart Msokwa, MBEYA

JESHI la Polisi mkoani Mbeya lina washikilia watu wanne kwa tuhuma za kuingiza nchini mayai ya kuku wa kienyeji kutoka nchi jirani kupitia njia za panya ili kukwepa ushuru wa kuingiza bidhaa hiyo.

Kamanda wa Polisi wa Mkoa wa Mbeya, Kamishna Msaidizi wa Polisi, Benjamin Kuzaga, aliyasema hayo juzi alipozungumza na waandishi wa habari kuhusu operesheni mbalimbali zilizofanywa na jeshi hilo katika maeneo tofauti.

Kamanda Kuzaga aliwataja watuhumiwa hao kuwa ni Ibrahimu Mwaiteke (41), Taifa Jackson (24), Lucas Paul (23) na Solo Mwakajinga (40) ambao wote ni wakazi wa Wilaya ya Kyela mkoani humo.

Alisema watuhumiwa hao walikamatwa wakiingiza nchini makasha 112 ya mayai hayo kutoka Malawi na kwamba mayai hayo yanakadiriwa kuwa na thamani ya zaidi ya Sh. milioni 2.5.

"Baada ya kuyaingiza nchini mayai hayo walitaka kuyasafirisha kwa kutumia gari yenye namba za usajili T.714 DLE aina ya Toyota Coaster lakini kutokana na umahili wa askari wetu wa eneo hilo watuhumiwa walikamatwa na kupelekwa kituoni," alisema Kamanda Kuzaga.

Alisema watuhumiwa wanaendelea kushikiliwa kituoni wakati uchunguzi unaendelea ili afikishwe mahakamani kwa hatua zaidi za kisheria.

Aliwataka wananchi wa Mkoa wa Mbeya kuepuka kufanya biashara za magendo kwa maelezo kuwa zitawasababishia umaskini kutokana na mali zao kutaifishwa.

Alisema kwa sasa makachelo wa jeshi hilo wamebaini vipenyo vyote visivyokuwa halali vinavyotumika kuvusha magendo na hivyo wataweka mitego kwenye vipenyo hivyo ili kuwanasa zaidi wasafirishaji hao wa magendo.

lewe
ei ya
ndwa
kose-
esha-
telea

Bodi
Mkuu
aidia
amil-
ipata

i wa-
udu-
ili ya

alise-
hiyo
raja-
o ku-
larasi

ishaji
hizo
ka na
uwa-

ipuni
aji wa
ya ni

ya
ini
itilia
o wa
i pili
ika
na
023
aza
wani

iri
a

T
VA